

慶雲縣志卷之一

地理志

邑雖壤地褊小居然列

畿疆矣星土繫乎天沿革因乎時而制其封域表其形勝山川以辨地利里閭以奠民居皆邑乘所宜詳也守土者得覽觀以敷政焉志地理分野

慶雲禹貢兗州之域天文危分野

**通典**齊地虛危之分野得漢之淄川東萊瑯琊高密膠東泰山城陽千乘清河以南渤海之高

慶雲縣志

卷一

分野

一

樂高城重合陽信濟南平原皆齊分野今北海濟南淄川東萊東牟高密瑯琊之北境魯郡之北境濟陽之東南樂安平原景城之南境博平之東境皆是

古兗州在天文營室東壁則衛之分野兼得魏宋齊趙之交漢之泰山渤海之高樂高城重合陽信濟陽之東南境平原樂平景城之南境博平之東境皆宜屬齊

**明史天文志**女二度至危十二度元枵之次也山東布政司所屬之濟南府樂安德濱三州皆

危分泰安州青州府皆虛危分萊州府膠州登州府寧海州東昌府高唐州皆危分東平州之陽穀東阿平陰三縣北平布政司所屬之滄州皆須女虛危分危十三度至奎一度陬訾之次也河南布政司所屬之衛輝彰德懷慶三府北平之大名府開州山東東昌之濮州館陶冠臨清三縣東平州之汶上壽張二縣皆室壁分舊志禹貢冀州之域天文危分野按冀州昴畢趙之分野尾箕燕之分野無危分虛危主青齊兼有古兗州之域通典古兗州兼得魏宋齊趙之交漢之渤海陽信今景城之南境皆宜屬齊慶雲古無棣齊北境漢爲陽信屬渤海隋置無棣縣唐時屬滄州滄州卽景城郡邑正當其南境則爲兗州域無疑明析樂安州北地置慶雲屬滄州明史天文志山東樂安州危分北平之滄州須女虛危分此又分星之明證矣蓋危主齊凡齊之在青兗二州域者皆危分也或疑壤地屬兗星次不宜屬青是不知兗州之兼得齊危之非專主青也

沿革

慶雲古兗州域在周為齊之無棣境

漢陽信縣隸渤海郡

晉陽信縣隸樂陵國

時改郡為國

後魏陽信縣隸樂陵郡

北齊陽信縣隸樂陵郡

隋陽信縣隸渤海郡開皇六年析陽信縣北境

置無棣縣

五代無棣縣隸滄州

宋無棣縣隸滄州治平元年徙縣治保順軍

軍創

慶雲縣志

卷一

沿革

三

置於周顯德五年

元無棣縣初併入樂陵縣隸棣州尋復置滄州

無棣縣隸燕南河間路又割滄州無棣縣之

半置縣曰東無棣縣屬棣州而此稱西無棣

明洪武初無棣縣廢六年六月析樂安州北地

置慶雲縣屬河間府滄州

國朝慶雲縣隸河間府滄州雍正七年升滄州為

直隸州縣屬滄州九年設天津府縣屬焉

按無棣舊有慶雲鄉明初因以各縣永樂避

諱之說後人附會今以明史正之

疆域

慶雲縣境廣四十五里袤五十五里

西北至

京都六百三十里

西北至省城四百七十里

北至天津府城三百九十里

東至山東海豐縣界三十里至縣治四十里

東 至山東陽信縣界四十里至縣治六十里

西南至山東樂陵縣界二十里至縣治四十里

西北至鹽山縣界二十里至縣治六十里

形勝

渤海之間一大都會

史記

九河之會五壘之居

寰宇記

壤分紫句境接齊

通志

城郭俯蒼茫溪流接大荒  
文同上錯斥鹵帶

東滄

吳魯慶雲館詩

東接登萊北輔

京都滄海環其左運河繞其右城郭村廬表裏帶

實東南要樞

前志形勝序